

文

選

箋

證

文選箋證卷四

聚學軒叢書第五集

績溪胡紹煥學

貴池劉世珩校刊

南都賦

武關關其西

注善曰漢書音義文穎曰武關山爲關而在西宏農界也續漢書志南陽郡注引作武關在其西旁證云諸書言武關未有言武關山者水經丹水注云丹水歷少習出武關應劭曰秦之南關也文穎曰武關在析縣西百七十里宏農界此注引文穎亦疑有脫誤紹煥按武關關其西與桐柏揭其東相對爲文則字當作關武關作武闕者因避字複而改耳本書甘泉

賦封巒石關許氏慶宗謂卽上林之石闕是闕亦或作關劉昭引以注續漢志之武關故改武闕爲武關不足以證此書之誤

赭堊流黃

注善曰山海經曰陸渚之山其下多堊郭璞曰堊似土白色也按釋名堊者亞也次也先泥之以灰飾之也廣雅曰堊塗也又周禮注素車以白土堊車藻車以蒼土堊車並以堊爲塗飾之名塗飾爲堊故遂謂塗飾之土爲堊北山經天池之山賁聞之山孟門之山並云多黃堊中山經朝歌之山多美堊蔥磬之山多白堊黑青黃堊然賦堊亦非定名不專言白也善

引見中山經無郭注西山經大次之山其陽多堊郭璞曰堊似土色甚白

嶮巖屹嶮

注善曰屹嶮斷絕之貌按本書海賦峴峴孤亭善注曰峴峴高貌嶮與峴通集韻嶮本作峴通作峴並倪結切山高貌無契絕異

若夫天封大狐列僊之陬

注善曰天封未詳或曰山名也蜀圖經曰大胡山故縣縣南十里張衡曰天封大狐也按太平寰宇記比陽縣大胡山卽天封山張衡南都賦天封大胡列僊之陬然則天封大狐實一山如終南太乙之比矣水

經比水注大胡山在比陽北如東三十餘里廣員六十里趙氏一清云太平御覽引作大狐又云胡一作狐南陽圖經山大大石如狐

漢書郊祀志祠天封苑於鴻門蓋亦爲列僊所聚故假以爲名歟

坂坻嶽嶸而成嶽

注善曰毛萇詩曰嶽小山別大山也按善引誤也大雅公劉傳嶽小山別大山卽皇矣傳之小山別大山曰鮮毛以嶽鮮爲一字嶽鮮音同故得相假周官獸羔開冰月令作鮮羔開冰是其證此云坂坻成嶽蓋卽爾雅重陳廬之廬謂崖岸高大之名嶽爲正字廬乃借音玉篇引爾雅正作嶽本書西京賦陵重嶽作

嶽釋畜善升顛釋文引舍人曰善升顛者能登山隙也一曰顛者阪也王風葛藟詩疏引李巡曰隙阪也是顛爲坂坻顛與嶽同

其木有櫟松楔櫟

注善曰櫟似柏而香爾雅櫟河柳郭注今河傍赤莖小楊詩傳說文並同按櫟之言瀕也赤莖故謂之櫟又櫟之言聖也爲柳中之聖故謂之櫟詩疏廣要云櫟非獨知雨又能負霜雪大寒有異餘柳是也其枝婀娜可愛俗亦名之爲觀音柳

櫟柏杻櫃

注善曰郭璞山海經注曰櫟荆也又曰杻似棣而細

葉又曰樞中車材按樸與楠音同說文楠松心木漢書烏孫國山多松楠顏注楠木名其心似松蓋楠心似松故說文謂之松心木漢書謂之松楠集韻樸模元切與楠同左莊四年傳楠木疏云此字之音或爲曼或爲朗而爲聲當作曼是樸卽楠矣說文無杻字出樸又出櫪云杻也或謂杻卽杻之譌嚴粲詩緝云杻今官園種名曰萬歲櫪之言億也萬歲卽億萬之義杻與下文之櫪一木二名賦特誇多耳爾雅釋木亦曰杻櫪說文枋枋木可作車樞枋也一曰鉏柄是樞卽枋也古車材用樞考工記云牙以樞是也樞之言彊也蓋亦彊韌之木與杻相似故郭注爾雅云

今關西人呼杻爲土樞廣韻樞一名櫨萬年木皆方俗語所稱

楓柟櫨櫨

注善曰郭璞上林賦注曰櫨橐櫨按周官染人注染草茅蒐橐蘆豕首紫荊之屬橐蘆卽橐櫨是木之可染者也說文桴桴木出橐山櫨一曰宅櫨木宅櫨亦卽橐櫨桴櫨音同以出橐山故亦謂之橐櫨中山經橐山多櫨櫨疑桴字之譌桴卽桴也廣韻十姥桴木名可染繒十一橫黃桴木可染又本草拾遺黃櫨生商洛山谷四川界皆卽此

桴桴櫨

注善曰郭璞上林賦注曰楯枿似枿欄皮可作索今
本書上林賦作胥耶史記作胥餘說文楯楯木也讀
若芟刈之芟枿枿木也按楯之言胥胥然也似枿欄
皮胥胥然故謂之楯枿楯枿可轉爲扶疏亦扶疏四
布之意楯枿一本或單言楯或單言枿本書吳都賦
作擲劉注引吳物志云實大如瓠繫在樹頭如挂枿
有實故又列之果類矣

枿柘櫨檀

注善曰枿未詳按說文枿梅也梅枿也爾雅釋木曰
梅枿也樊光注荊州曰梅揚州曰枿益州曰赤櫨是
梅爲今之楠樹詩以梅訓枿蓋枿卽枿矣一木二名

容有是稱

垂條嬋媛

注善曰嬋媛枝相連引也按嬋媛亦作揮援廣雅揮
援牽引也疏證云楚辭離騷女嬋之嬋媛兮注嬋媛
牽引也一曰揮援憂思相牽謂之嬋媛樹木相牽亦
謂之嬋媛

敷華蘂之蓑蓑

注善曰王逸楚辭注曰蘂實貌劉淵林蜀都賦注曰
蘂一曰花鬚頭點也蓑蓑下垂貌按蓑蓑卽蓑蓑說
文蓑草木華垂貌蓑艸木實蓑蓑然也實謂之蓑華
亦謂之蓑猶實謂之蘂華亦謂之蘂蘂與蓑音義亦

通

穀獾狢獫戲其巔

注善曰說文曰穀犬屬腰以上黃膝以下黑食母猴
今說文作穀穀豚子也許以穀從豕穀爲豚子穀從
犬穀爲犬屬史漢皆以穀爲穀又說文獾穀獾也按
獾之言獾也能獾獾猴故亦謂之獾矣獾與穀形相
似故獾又謂之穀獾

鸞鸞鵠鵠翔其上

注善曰國語曰周之興也鸞鸞鳴於岐山賈逵曰鸞
鸞鳳之別名也按依注引國語則正文本作鸞鸞且
鸞字亦無注本書吳都賦鸞鸞食其實鵠鵠擾其閒

亦鸞鷟鵠鵠並舉

篠簞簞簞

注善曰簞簞二竹名其形未詳按戴凱之竹譜簞簞生於漢陽時獻以爲輅馬策說文簞吹鞭也風俗通聲音篇引漢書舊注云簞吹鞭也簞者撫也言其節撫威儀晉先蠶儀注車駕住吹小簞發吹大簞簞卽笳也應劭鹵簿圖有騎執簞說文簞簞也簞與笳同左文十三年傳釋文引字林同竹瓜反本書長笛賦裁以當適便易持善注適馬策適卽簞也笙賦修適內辟善注修適長管也簞與笳適音義同簞又作葭是簞可作馬策又以爲吹器說文以簞爲吹鞭晉先

蠶儀注謂簾卽笳蓋形相似故得同名馬策謂之簾亦謂之簾猶吹器謂之簾亦謂之簾簾簾爲竹名因而名馬策吹器謂之簾簾

流湍投澱

注善曰許慎淮南子注曰湍水行疾也埤倉曰澱水行出也按湍澱並水聚之名說文湍疾瀨也臣瓚漢書注瀨湍也吳越謂之瀨中國謂之磧趙岐告子注湍者圓也謂湍湍縈水也蓋沙隨水而積如今之沙灘矣又謂之磧磧者積也說文澱和也和亦聚也小雅無羊傳云聚其角而息澱澱然也是澱爲聚也

飭汭翻軋

按汾汭疊韻汭當讀如邪爾雅釋地西至於邪國釋文邪本或作𣶒說文作汭同彼貧反是汭邪音同此於汭下注入字疑非善音

漻淚減汨

注善曰韓詩傳曰漻清貌也淮南子曰水淚破舟說文曰減疾流也王逸楚辭注曰汨去也按漻淚皆急疾貌漻淚猶颺戾本書思元賦作颺戾西征賦吐清風之漻戾作漻戾漻颺音同水急疾謂之漻淚猶颺風急疾謂之颺戾今俗猶呼水急疾爲戾矣大學一人貪戾鄭注戾之言利也戾與利聲義亦通今淮南子淚作戾減汨亦疾也倒言之亦謂之汨減漢書司馬

相如傳汨滅輟以永逝兮注汨滅疾貌是也

鰓鰓鰓

注善曰郭璞上林賦注曰鰓魚有文采鰓似鰓而黑按說文鰓鰓魚也皮有文出樂浪東曉又謂之斑魚魏志東邊傳滅自單單大山嶺以西屬樂浪其海出斑魚皮御覽引魚豢魏畧滅國出斑魚皮漢時恆獻之又引廣志斑魚出滅獻其皮是鰓爲斑魚矣鰓亦作鰓上林賦作鰓史記作鰓蓋卽詩之鰓陸機疏云鰓徐州人謂之鰓或謂之鰓鰓之言庸也謂魚之庸常以供膳饈者故亦謂之鰓東山經旌山蒼體之水其中多鰓魚其狀如鯉而大首吳氏任臣廣注云鰓

魚本草拾遺以爲卽鰭魚李時珍謂此魚之下品今
驗此魚似鱧而頭大東山經云大首是也俗名之爲
厖頭

其陂澤則有鉗盧玉池

注善曰杜預表曰所領部曲皆居南鄉界所近鉗盧
大陂下有良田舊說曰玉池在宛旁證曰續漢志南
陽郡朝陽注引南都賦鉗盧注云匡縣今注無之洪
氏亮吉曰鉗盧陂在鄧州東南五十里一名玉池陂
今名迪陂南北八里東西三里紹煥按如洪氏說則
鉗盧玉池一陂而二名今按善引舊說玉池在宛續
漢志宛注引南都賦有玉池澤陂是玉池在宛與鉗

盧在朝陽者異處則鉗盧非卽玉池矣

赭陽東陂

旁證云史記張釋之傳堵陽人也索隱曰韋昭音赭
漢志作堵陽宋書志南陽太守下云永初郡國有赭
陽等八縣然則赭陽卽堵陽也水經洧水注堵陽地
理志曰縣有堵水王莽曰陽城也堵水於縣竭以爲
陂東西夾岡水相去五六里南北十餘里水決南潰
下注爲灣灣分爲二西有堵水東爲滎源堵水參差
流結西湖故有東陂西陂之名也紹煥按洧水注又
云赭水出赭陽縣北山數源竝發南流逕於赭鄉謂
之赭水以水氏縣故有赭陽之名

蘼苳蘋莞

注善曰說文曰苳可以爲索今說文作苳按漢書司馬相如傳蔣苳青蘋作苳注引張揖曰苳三棱也苳字僅見於此書皆假苳爲之管子小匡首戴苳蒲注苳蔣屬王褒僮約多取蒲苳並作繩索苳卽苳也

蔣蒲蒹葭

余氏文選音義云李善五臣不注蒲字諸字書蒹蒲二字不通假六臣本善注蒹蔣也下有蒹音孤三字汲古閣六臣並誤紹煥按蔣蒹草與蒲爲類故蔣卽次蒲若以蒲爲蒹之誤則蒹爲蔣實不得雜廁諸草矣六臣本善注有蒹音孤三字乃善引說文蔣蒹蔣

也爲菰字作音非正文中有菰字也余氏誤會

藻荇菱芡

注善曰爾雅曰荇鳧葵按今爾雅無之廣雅釋草云
荇鳧葵也魯頌泮水薄采其荇毛傳荇鳧葵也爲張
揖所本是爾雅乃廣雅之譌而張氏聰咸質疑錄據
此注遂疑爲爾雅脫文郝氏爾雅義疏從之非是

鵝鴈鴈鵝

注善曰說文曰鵝鴈鳧屬音雅札反按正文及注鴈
並鵝字之誤六臣本作鵝鴈是也說文鵝鴈鵝也徐
鍇曰鳧屬鵝鵝鵝也

其水則開寶灑流

注善曰鄭元周禮注曰竇孔穴也按說文瀆溝也竇與瀆通此謂開溝瀆以分其流也左襄三十年傳伯有自墓門之瀆入徐邈音豆傳以瀆爲竇賦文以竇爲瀆音近故得相假本書吳都賦或涌川以開瀆作瀆意與此同

爲漑爲陸

按廣韻漑凝雨澤也陸與漑同本書蜀都賦灑灑池而爲漑澤劉注引蔡邕曰凝雨曰漑是也

冬稌夏秬

注善曰楚辭曰稻粱秬麥秬黃粱按說文無秬字米部樵早取穀也古爵焦音近王逸楚辭注曰秬擇也

擇麥中先熟者義與糲同玉篇穉早熟亦作糲是穉卽糲也

蓼蕞藁荷

注善曰說文蓼辛菜也風土記曰蕊香菜根似茆根蜀人所謂菹香蕊與蕞同按蓼蕞一物蕞謂之蓼蕞猶桂謂之蘇桂矣謝靈運山居賦蓼蕞是也當本作薺俗作薺因譌而爲蕊蕊與蕞音不相近類篇薺側立切音蕞香菜集韻同

諸蔗薑蟠

注善曰字書曰蟠小蒜也按說文蟠小蒜也字書本此玉篇廣韻並云百合蒜齊民要術謂之百子蒜今

數百合蒜莖長而直葉小花大白色其嚼似蒜爾雅翼云百合蒜根小者如蒜大者如碗蒸煮食之味極甘非卒葷類也但根似蒜故名蒜耳

枹棗若榴

注善曰說文曰枹棗似枹如充切廣雅曰若榴石榴也今說文作枹棗也似枹按善注及今說文疑有脫誤枹棗與枹相似齊民要術云枹有小者栽之無者取枝於枹棗根上插之枹棗卽枹棗是枹棗似枹不得云似枹然注音如充切則注文實有枹字當爲枹棗似枹而小一日枹本書子虛賦善注引說文曰枹棗似枹名曰枹名疑一字之譌此爲許氏原文宜可據眾經

音義槩棗似柿而小蓋元應書正文槩棗故引說文云似柿而小不連引一曰槩三字與子虛賦棗棗注不同然則元應書之槩棗似柿而小猶子虛賦注之棗棗似柿而小一曰槩也廣雅若榴柰也無石榴二字王氏疏證云柰與若同若石聲近故石榴謂之若榴各本脫石榴字宜據藝文類聚太平御覽南都賦注校補

黃稻鱸魚

注善曰聲類曰鱸小魚也按莊子天運鮮規之獸釋文鮮規小獸也又云鮮規小蟲也鱸與鮮古字通鮮訓小故鱸亦謂之小說文鱸新魚精也从三鱸不變

魚引伸之凡新生之物皆曰鰻字亦作鰻

春卵夏符

按卵卵蒜也郝氏爾雅義疏云夏小正十有二月納卵蒜卵蒜也者本如卵者也卽今澤蒜生山澤閒葉如鳧茈根如鳥卵十二月及正月掘取食之古今注云蒜卵蒜也俗人謂之小蒜

秋韭冬菁

注善曰廣雅曰韭其華謂之菁按菁蔓菁也冬采可以爲菹周官醢人菁菹鹿醢鄭注菁蔓菁也呂覽本味篇具區之菁高注菁菜名急就篇老菁藁荷冬日藏齊民要術引四民月令云七月藏韭菁蔓菁十月

可收崔寔分晰甚明蔓菁冬菜故云冬菁急就篇亦以爲冬日藏若爲韭菁則在七月不得爲冬菁矣菁者華也本書高唐賦注引廣雅曰菁華也菁之言菁菁然盛也葉盛謂之菁華盛謂之菁故菜盛亦謂之菁

琢琬狎獵金銀琳琅

注善曰狎獵飾之貌尙書曰厥貢球琳琅玕按此承上充溢圓方言則琢琬金銀皆圓方之器狎獵琳琅正形容器之貌狎獵猶捷獵本書魯靈光殿賦捷獵鱗集是也琳琅謂其色琳琅然也狀色曰琳琅故狀聲曰琳琅本書九歌謇謇鳴兮琳琅是也旁證云注

玉謂之珊瑚當作彫下云珊瑚與彫古字通可見各本皆誤

朱帷連網

注善曰網維網也按網當爲綱五臣本不誤御覽七百引亦作綱說文綱維紘繩也

白鶴飛兮爾曳緒

注善曰皆舞人之容潘氏末曰白鶴飛舞態爾曳緒歌聲注誤紹煥按白鶴飛承上起鄭舞爾曳緒承上坐南歌細玩語意則潘說爲是

寡婦悲吟鵲鷄哀鳴

注善曰寡婦曲未詳古調歌有鵲鷄之曲旁證云蔡

邕市寡女絲製琴彈之有憂愁哀慟之音見賈氏說
林賦語或本此姜氏臯曰魯陶嬰少寡或聞其義將
求焉嬰乃作歌明己之不更二庭漢橫吹曲中黃鵠
曲者是紹煥按此非曲名乃形容新聲耳言寡婦聞
而悲吟鵠鵠聽而哀鳴本書七命熒嫠爲之擗擗嫠
老爲之嗚咽意與此同鵠鵠善鳴九辨云鵠鵠啁哳
而悲鳴哀鳴卽悲鳴也

亂北渚兮揭南涯

注善曰說文曰揭高舉也王氏念孫曰揭讀爲愒愒
息也言自北渚絕流而渡息乎南涯也小雅菀柳不
尙愒焉毛傳曰愒息也召南甘棠作憩字又作偃甘

泉賦度三巒兮偈棠黎韋昭曰偈息也句法正與此
同紹煥按眾經音義廿五引倉頡偈作憩召南甘棠
召伯所憩釋文憩本作揭是揭偈憩三字古通
章陵鬱以青蔥

注善曰東觀漢記曰建武中更名春陵爲章陵按後
漢光武紀望氣者蘇伯阿爲王莽使至南陽遙望見
春陵城郭喟曰氣佳哉鬱鬱蔥蔥然卽章陵也

詠南音以顧懷

注善曰左氏傳曰楚鍾儀囚于晉與之琴操南音許
氏慶宗曰此當用呂覽音初篇禹始制爲南音善引
鍾儀囚晉與上句帝王意不貫紹煥按本書吳都賦

操南音劉注左傳呂覽兩引

方今天地之眚刺帝亂其政豺虎肆虐真人革命之秋也

朱氏超之曰建始以來黃霧四塞青蠅集殿星貫紫微鐵飛沛郡地震山崩江竭河溢史不絕書正天地眚刺之時其時趙氏內亂外家擅朝所謂帝亂其政實指成帝而言降及哀平新莽肆亂遂爲真人革命之秋善注誤解方今二字以上二句屬高祖言下二句屬光武恐非

爾其則有謀臣武將

何氏焯曰爾其則有連用疑衍紹煥按爾其下恐有

脫文

排捷陷肩

注善曰說文曰捷距門也今說文作捷限明也段氏據此校改云卽今之本鎖旁證云老子釋文亦作距門似今本說文誤紹煥按本書風賦注引字林捷距門也頭陀寺碑文注引字林捷門距字林多本說文距字作距

視人用遷

注善曰謂觀人所安而設教孫氏志祖曰此用盤庚視民利用遷語民字避諱改

文選箋證卷五

聚學軒叢書第五集

續溪胡紹煥學

貴池劉世珩校刊

左太冲三都賦序

注善曰三都賦成張載爲注魏都劉逵爲注吳蜀按世說注引思別傳曰思造張載問岷蜀事交接亦疏皇甫謐西州高士摯仲治宿儒知名非思倫匹劉淵林衛伯輿並早卒皆不爲思賦序注凡諸注解皆思自爲欲重其名故假時人名姓也

然相如賦上林而引盧橘夏熟揚雄賦甘泉而陳玉樹青蔥

徐氏文靖曰李尤七款梁土青麗盧橘是生白花綠
葉扶疏冬榮當相如時武帝新開上林苑羣臣入方
競獻名果珍樹種之上林安必所獻者無盧橘也紹
煥按後漢梁劉七舉亦有玉樹青蔥之句

張衡賦西京而述以游海若

張氏雲璈曰西京賦海若乃極言清淵之大將使海
若亦來遊也上文神山瀛洲方丈蓬萊皆屬形容之
辭太沖譏之似過

蜀都賦

劉逵注

萬國錯峙

注善曰張衡靈憲曰列居錯峙按依注則正文當作

峙峙峙古通

帶二江之雙流

考證云水經江水注江水又東逕成都縣縣有江雙流故揚子雲蜀都賦曰兩江珥其前雙流二字本此錢氏站曰隋地理志仁壽元年郡置雙流縣

岡巒糾紛

注劉逵曰巒山狹而長也一日山小而銳也爾雅巒山墮郭注云山形長狹郝氏疏義云釋文引字林墮山之施墮者是呂忱以墮爲延施卽狹長也士冠禮注云隋方曰篋釋文謂狹而長隋卽橢與墮聲借紹煥按爾雅釋蟲蟻小而橢郭云狹而長橢亦墮也楚

辭天問南北順橢橢與墮同淮南修務訓其方圓銳
橢不同橢與銳對文則橢爲長矣此狹而長也守志
篇陟玉巒兮逍遙王逸注山脊曰巒是也魯頌般墮
山喬嶽毛傳墮山之墮墮小者許宗毛放山部巒
山小而銳墮山之墮墮者淮南齊俗訓窺面於盤水
則員於杯則隨隨與橢同音他果反地形訓其人隋
形兌上漢書天文志前列直斗口三星隨北崙銳史
記索隱引三蒼云橢盛鹽鼓器師古急就篇注橢小
桶也所以盛鼓急就篇之橢卽史記之橢說文橢車
答中橢橢器也此小而銳也但對文則異散文則通
此文與岡並言則前說近之

鬱蓋蓋以翠微

注劉達曰翠微山氣之輕縹也按玉篇蓋蓋盛貌廣雅蓋香也香氣盛謂之蓋蓋山氣盛亦謂之蓋蓋爾雅釋山未及上翠微初學記引舊注云一說山氣青縹色曰翠微是翠微爲山氣也

龍池瀑瀑瀆其隈

注善曰瀑瀑水沸之聲也按瀑沫也說文瀑一曰沫也本書江賦拊拂瀑沫瀑沫連言而長笛賦瀑瀑與噴沫亦相對爲文是瀑爲沫也瀑沸也此謂龍池沸沫而瀆其隈也

漏江伏流

旁證云五臣作泝水經葉榆水注葉榆水又東逕漏江縣伏流山下復出蝮口謂之漏江左思蜀都賦曰漏江泝流云云亦作泝

菌桂臨崖

注劉逵曰神農本草經曰菌桂出交趾圓如竹爲眾藥導使一曰菌薰也葉曰蕙根曰薰按前說是也菌桂樹圓如竹故字一作菌菌正樹圓之狀桂輪菌謂之菌桂猶芝輪菌謂之菌芝山輪菌謂之菌山西山經南海之內有菌山是也

金馬騁光而絕景碧雞儵忽而耀儀火井沈熒於幽泉
高燭飛燭於天垂

余氏文選音義云左思別傳其三都改定至終乃上
初作蜀都賦云金馬電發於高岡碧雞振翼而雲披
鬼彈飛丸以礮礮火并騰光以赫曦今無鬼彈句其
賦亦往往不同紹煥按見世說五注又文士傳曰左
思初作蜀都賦曰鬼彈飛丸以礮礮後又改易無此
語礮礮作礮礮復不同

則有琥珀丹青江珠瑕英

注善曰博物志曰琥珀一名江珠旁證云周書王會
解孔晁注云江厯珠名江珠紹煥按江珠卽江厯珠
若以爲琥珀別名則與上複矣續漢書曰哀牢夷出
光珠琥珀疑博物志一名江珠之江當作光瑕赤玉

也赤玉謂之瑕猶赤氣謂之瑕古有瑕無霞

符采彪炳

注劉達曰符采玉之橫文也按符與孚通禮記聘義
孚尹旁達注孚讀爲浮孔疏孚浮也浮者在外之名
家語注孚尹玉貌是符卽孚眾經音義十三引纂文
孚瑜言美色也孚尹孚瑜並與符采義同孚通作符
故史記律書孚甲亦作符甲索隱符甲猶孚甲也

卻背華容

注劉達曰華容水名在江山之北按郡國志曰

見御覽一

百六十五梓潼縣北有華容水卽蜀都賦曰卻背華容是
也

緣以劒閣

注劉逵曰劒閣谷名旁證云水經漾水注曰水又東南逕小劒戍北西去大劒三十里連山絕劒飛閣通衢故謂之劒閣也似不當作谷名大劒小劒皆山名漢劒門縣唐置劒門關紹煥按閣棧道也史記高祖紀燒棧道索隱引崔浩險絕之處傍鑿山巖而施版梁爲閣此謂劒山施棧於上斯謂之劒閣

或藏蛟螭

注劉逵曰有鱗曰蛟螭

諸本重蛟螭二字誤衍

水神也一日螭

雌龍也一日龍子也按本書南都賦怖蛟螭善引說文螭若龍而黃說文又云或曰無角曰螭又云蚪龍

子有角者有角爲虬則螭爲無角可知廣雅無角曰
𧈧𧈧卽螭也漢書司馬相如傳蛟龍赤螭張揖曰赤
螭雌龍蓋有角曰雄無角曰雌螭雌龍之無角者呂
覽舉難篇龍食乎清而游乎清螭食乎清而游乎濁
言陰陽異性使然也是龍爲雄而螭爲雌矣其二云一
曰龍子者司馬相如傳注引文顯曰龍子爲螭螭是
龍所生故一曰龍子

嘉魚出於丙穴

注劉逵曰丙穴在漢中沔陽縣北有魚穴二所常以
三月取之丙地名按周地圖

見御覽卷五十四

順政郡丙穴

以其口向丙因以爲名沮水經穴謂而過或謂之大

丙水每春三月上旬復有魚長八九尺寸或三四日
聯縣從穴中出躍相傳名嘉魚卽左太沖蜀都所謂
嘉魚出於丙穴是也似較劉注爲詳

杞櫛椅桐

注劉達曰櫛大木也按櫛與櫛同山海經華陽之山
其陰多苦辛其狀如櫛郭璞注櫛卽楸字晏子春秋
外篇見人有斲雍門之櫛者襄十八年左傳作萩說
文楸梓也徐鍇曰左傳伐雍門之楸作萩同是櫛爲
楸也說文櫛長木貌劉說本此恐非

櫻朽楔樅

注劉達曰楔似松有刺也按本書南都賦善注引郭

璞注山海經曰櫻似松細理有刺說文櫻細理木也
玉篇櫻似松有刺當本此然則似松有刺爲櫻非櫻
也今各本正文及注皆誤

義和假道於峻岐陽烏迴翼乎高標

何氏焯曰高標疑卽高望山古名高標在嘉州郡峻
岐未詳疑亦地名紹煥按李白蜀道難上有六龍迴
日之高標注圖經高標山亦名高望何說不爲無據
然峻岐訖無所考善亦不注此四字

鵠鵠其陰

注劉達曰鵠疾貌也善曰毛詩曰鵠彼晨風按毛傳
鵠疾飛也劉注疑脫飛字廣雅鵠飛也說文鵠鵠飛

貌則專屬晨風言禮記禮運故鳥不猶注猶飛貌鳩與猶音義通

於東則左縣巴中

余氏文選音義云縣州涪水所經涪居其右縣居其左故曰左縣紹煥按御覽六十五遊蜀記曰左縣緋紅三川所向縣州左縣郡有月江所染緋紅於此水而向注縣歷也謂左歷巴中甚疏

蛇蟻山棲

五臣作驚鷁按釋名云驚雉之慙惡者山鷁是也驚慙也性急慙不可生服必自殺本書射雉賦山鷁悍害然則謂之驚者取慙惡之義鷁卽雉也左昭十七

年傳五雉爲五工正服注雉者夷也疏云雉聲近夷漢書揚雄傳集注引服虔亦云雉夷聲相近故新夷亦作辛雉

鼃龜水處

注劉達曰鼃龜大龜也考異曰各本作鼃龜者皆因注元龜二字誤爲鼃因改正文紹煥按五臣本作元丹沙鼃燬出其坂

注劉達曰尙書厥土赤埴善曰鄭元尙書注曰燬赤也按此劉引書以注赤燬當本作燬故善復引鄭注曰燬赤也書釋文埴鄭作𡗗徐鄭王皆讀曰燬劉引作燬從徐鄭王讀也後人以今禹貢作埴故改爲埴

交讓所植

注劉達曰交讓木名兩樹對生一樹枯則一樹生如是歲更終不俱生俱枯也出岷山在安都縣按注云木名不知何木而任昉述異記黃金山有枏木一年東榮西枯一年西榮東枯張華謂之交讓木亦見潯湯記並以交讓爲卽枏木蓋枏木之一種

蹲鴟所伏

注劉達曰蹲鴟大芋按唐新語曰

見御覽

開元中中書

令蕭蒿以文選是先代舊業欲注釋之奏請左補闕王智明金吾衛佐李元成進士陳居等注文選先是東宮衛佐馮光進入院校文選兼復注釋解蹲鴟云

今之芋子卽是著毛蘿蔔院中學士向外說之蕭蒿
聞之拊掌大笑按諸注釋今俱不傳蓋當時未有重
之者蹲鴟之解已見一斑矣

則有青珠黃環

注劉逵曰青珠出蜀郡平澤黃環出蜀郡旁證云本
草青琅玕一名石闌干又名青珠李時珍引別錄曰
石闌干生蜀郡平澤陶隱居云此卽蜀都賦之青珠
黃環也又太平御覽九百九十三藥部有黃環引本
草經云一名陵泉一名大就生蜀郡又引吳晉本草
云黃環一名生葛

味蠲癘瘡

汪劉達曰瘖亦頭痛也周禮四時皆有癘疾春多瘖
首之疾漢書相如常有瘖病按劉以瘖爲頭痛癘疾
是也而引漢書相如有瘖疾則混瘖於瘖渴疑誤史
記司馬相如傳常有消渴疾字亦作瘖癘玉篇瘖瘖
癘病也渴又作漱釋名消漱渴也腎氣不周於胸胃
中津潤消渴故欲得水也素問脈要精微論痺成爲
消中奇病論肥者令人內熱甘者令人中滿故其氣
上溢轉爲消渴後漢李通傳章懷注消消中之疾皆
與頭痛之瘖不同彼引周禮誤與此同

演以潛沫

注劉達曰禹貢梁州云沱潛旣道有水從漢中沔陽

縣南流梓潼漢壽縣入穴通岡山下西南潛出今名
複水舊說云禹貢潛水也按水經潛水注今有大穴
潛水入通岡山下西南潛出謂之伏水或以爲古潛
水是潛爲伏潛之潛以潛伏故名爲潛矣

灑淝池而爲陸澤

注劉達曰蔡邕曰凝雨曰陸按廣韻陸凝雨澤也本
此陸與陸同本書南都賦爲漑爲陸當卽此義

百果甲宅

注善曰周易曰百果草木皆甲坼鄭元曰皆讀如人
倦解之解解謂坼呼皮曰甲根曰宅按注文當作甲
宅與正文及鄭注相應此後人以今周易改之作宅

馬融陸續皆同

朱櫻春熟

五臣本熟作就按劉及善本亦當作就後人多見熟少見就又以注中引漢書櫻桃熟字故改就爲熟初學記果部事對出春就注引此作朱櫻春就御覽九百六十九引同

芬芬酷烈

旁證云六臣本下芬字作芳是也

其園則有蒟蒻

注劉逵曰蒟蒻醬也緣樹而生其子如桑椹熟時正青長三四寸以蜜漬而食之辛苦香溫調五臟蒟草

也其根名蒟頭大如斗其肌正白以灰汁煮則凝成
可以苦酒淹食之蜀人珍焉按廣志

見御覽

扶留藤緣

樹而生其花實卽蒟也可爲醬是蒟爲蔓生巴志所
謂蔓有辛蒟是也而說文枸云木可爲醬出蜀劉德
漢書注枸樹如桑其樛長二三寸味酢取其實以爲
醬美漢書音義枸木似穀樹其葉如桑用其葉作醬
酢美蜀人以爲珍味史記西南夷傳南越食蒙蜀枸
醬集解引徐廣枸一作蒟又爲枸木形如桑然則蒟
枸有二種皆可作醬特蔓生木生不同故字有從艸
從木之別歟又有蒟果說文草部蒟果也字亦作枸
與櫟相似故亦謂之枸櫟眾經音義廿三引廣志云

枸櫞似櫞而大出番禺而南縷切蜜漬爲滲食之甚佳北戶錄注引字林枸櫞音矩緣是也竊疑此賦蒟蒻當爲一物蒟蒻或謂之蒟頭開寶本草蒟頭葉似由跋半夏根大如碗一名蒟蒻酉陽雜俎蒟蒻根大如碗至秋葉滴露隨露生苗華陽國志云園有芳蒟卽蒟蒻也此注云蒟草不誤而以蒟爲蒟醬則分蒟蒻爲二矣恐非

其沃瀛

注劉逵曰楚辭曰倚沼畦瀛王逸曰瀛池中也班固以爲畦段氏玉裁曰山海經是爲瀛土之國郭注瀛沃衍也是瀛當作瀛紹煥按劉引見招魂王逸注云

楚中名池澤中曰瀛是瀛爲池澤中故下列蔣蒲菱蓮蘊藻蘋蘩等水草段據大荒東經讀沃瀛爲平列字而改瀛爲贏旣背正文又違注義失之

振鷺

按周頌振鷺毛傳振羣飛貌賦文從鳥作鷺則竟以鷺鷺爲鳥名矣玉篇因之出鷺云音真鷺鳥別名此如鸞爲鳥聲而以爲鷺鷺斯斯語助辭而名鷺爲鸞斯螽斯別作蜚皆出於文人好奇之病

白黿命鼈

注善曰張衡應問曰黿鳴而鼈應命呼也余氏文選音義引焦贛易林云黿鳴岐野鼈應於泉蓋氣相應

勦如命令故云然也張氏雲敎曰埤雅鼃以鼃爲雄
鼃以鼃爲雌鼃鳴而鼃應故注云命呼也紹煥按舊
唐書李密傳鼃鳴鼃應見機而作言此鳴則彼應也
淮南萬畢術燒鼃致鼃亦取氣感之義

鱣鮪鮪

注善曰鱣鮪鮪也攷異曰鱣當作鮪各本皆誤吳都
賦筌鮪鮪善注鮪鮪鮪也可借證紹煥按本書上林
賦郭注云鮪鮪鮪說文鮪鮪鮪也鮪鮪聲之轉

中流相忘

注劉達曰莊周云泉涸魚相與處陸相煦以溼相濡
以沫不若相忘於江湖按相忘猶相羊也本書西京

賦相羊乎五柞之館薛注相羊彷徨也離騷聊逍遙以相羊注相羊游也字亦作襄羊上林賦消搖乎襄羊郭注襄羊猶彷徨也

結陽城之延閣

注善曰淮南子曰延閣棧道按江淹表

御覽一百府八十四

之延閣注延閣書府也此承擬承明而起廬言當爲藏書處善引疑非其旨

匪葛匪姜疇能是恤

按此與本書西京賦匪石匪董誰能宅此語意同恤卽宅也方言慰厖也江淮青徐之間曰慰恤亦居也居謂之慰亦謂之恤猶安謂之慰亦謂之恤漢書韋

元成傳恤我九列顏注恤安是也

亞以少城接乎其西

注劉逵曰少城小城也在大城西市在其中也按元和郡縣志少城一曰小城在成都縣西南杜詩東望少城花滿煙疑卽此

布有橿華

注劉逵曰橿華者樹名橿其花柔毳可績爲布也出永昌按華陽國志益州有梧桐木其花采如絲人織之以爲布名桐花布後漢南蠻哀牢夷傳有梧桐木華織以爲布幅廣五尺潔白不受垢名曰桐華布廣志驃國有白桐木其華有白毳取其毳淹漬之緝績

以爲布橦桐音同

鈇規兼呈

注劉達曰揚雄方言曰鈇規裁也梁益之閒裁木爲器曰鈇裂帛爲衣曰規旁注鈇浦覓反今方言作鈇郭注劈厯反集韻音劈說文不出鈇字新附鈇從金爪按從爪與覓音同覓亦以爪爲聲然則字當作鈇各本俱誤爲鈇

翕習邊城

按翕習二字音義同故皇侃論語疏云翕習也翕習盛貌本書魯靈光殿賦祥風翕習以颯灑鸚鵡賦翔不翕習注並云盛貌廣雅翕熾也熾亦盛也說文熠

盛光也習與熠同

扼腕抵掌

王氏廣雅疏證云說文抵側擊也從手氏聲玉篇音之是切引秦策抵掌而言抵掌猶拊掌也抵與抵音義各別今本俱譌爲抵後人多見抵少見抵遂莫有能正其失者矣紹煥按考異校同

翩躚躚以裔裔

注劉逵曰詩屢舞躚躚五臣作僊僊按今詩作僊僊依注引詩則正文本作僊僊此爲後人所改莊子在宥篇注僊僊坐起之貌

朔別期晦

旁證云六臣本期晦期是也注作晦期可證

晶羆氓於萋草

注善曰晶胡了切當爲拍普格切說文曰拍拊也段氏玉裁曰說文晶顯也倉頡篇晶明也太沖用此字亦是明顯之意羆人能化爲虎幽怪難識令不遁其形也改爲拍非是紹煥按廣韻拍打也普伯切晶亦打出蜀都賦據許則晶拍音義各異廣韻以爲一字相與第如填池

注劉逵曰第且也相如傳曰第如臨邛旁證云史記五帝紀贊願弟勿深考徐廣曰弟但也引此賦作弟如填池則作第爲後人所改紹煥按今史記相如傳

弟如臨邛亦改爲第索隱引文穎曰第且也同惟漢書作弟不誤

艤輕舟

注劉逵曰南方俗謂正船向濟處爲艤按正船卽整船史記項羽傳集解引應劭曰艤正也如淳曰南方人謂整船向岸曰艤艤與檣同說文檣幹也幹亦正也易九二幹父之蠱虞翻曰幹正也整舟謂之艤猶整輿謂之艤漢書禮樂志象輿艤如淳曰艤僕人嚴駕待發之意也

嗟見偉於疇昔

按嗟當爲羌字之誤羌發聲偉美也言見美於疇昔

也

峻阻塹埒長城豁險吞若巨防

注劉達曰峻阻之嚴視長城若塹埒也按塹埒長城與吞若巨防相對爲文則埒不當訓爲田埒埒等也塹界也言峻阻界等長城也上曰埒下曰若意並同也晉語叔向子產晏嬰之才相等埒史記貨殖傳富埒卓氏是埒爲等也